

陝西金石志

卷廿七

七

陝西金石志卷二十七

續修陝西通志稿卷一百六十一

金石二十七

元

全真教祖碑

存元至文見王氏金石萃編

碑高一丈一尺廣五尺三十六行行八十四字金源璫撰文道士李道謙正書並篆額在盤屋縣

王重陽在金遇異人度爲全真其徒丘處機輩爲張大其說而行之其道以全真而兼禪者此碑爲密國公璫撰李道謙書書亦模仿平原尙不及姚燧仙跡碑

趙氏石墨鐫華

按道家全真教至元始有此名以王重陽爲之祖此碑蓋述重陽之道行也撰者題云前金皇叔密國公金源璫碑刻于元世祖時故稱璫爲前金金源者建國之號也金史地理志上京路即海古之地金之舊土也國言金曰按出虎以按出虎水源於

此因取以建國而璿乃用以著其籍也璿史有傳附越王傳後
越王者世宗子諱永功元妃張氏所生其昭德皇后生子諱允
恭爲世宗第二子允恭生子珣嗣位爲宣宗尊允恭爲帝廟號
顯宗宣宗生子守緒嗣位爲哀宗碑文撰於哀宗之世璿父越
王與顯宗同爲世宗子璿與宣宗同爲世宗孫故哀宗稱璿爲
叔父也傳稱璿本名壽孫世宗賜名字仲寶一字子瑜喜爲詩
工眞草書正大初累封密國公與文士趙秉文楊雲翼雷淵元
好問李汾王飛伯輩交善天興初臥疾是時曹王出質璿見哀
宗曰聞訛可欲出議和訛可年幼不苦諂諫恐不能辦大事臣
請副之上慰之曰承平時叔父未嘗沾漑無事則置之冷地緩
急則置於不測叔父盡忠固可天下其謂朕何于是君臣相顧
泣下未幾以疾薨生平詩文甚多自刪其詩存三百首樂府一

百首號如庵小藁其詩今見於中州集者四十一首而文無傳焉遺山云密國公璫百年以來宗室中第一流人物也少日學詩于朱巨觀學書于任君謨文筆亦委曲能道所欲言所居有楞軒又有如庵自號楞軒老人此碑序末自稱楞軒居士者以此王氏金石萃編

按王氏金石萃編以此碑屬於金以密國公之撰文且其收錄不及元代故耳今依年號改正

重陽仙跡記

存元至元丙子文錄後

碑高二尺二寸廣四尺四寸二十六行行五十九字劉祖謙撰
姚燾正書并篆額在盤屋縣

終南山重陽祖師仙跡記 何志清開字 孔老之教並行乎中

國根源乎至道際六合無內外極萬物無洪纖真理常全無有欠餘固不可以淺識窺測或者剖疆名之原指成德之跡互相挑斥

是此而非彼而二家之言遂爭長於天下是不知天下無二道聖人不兩心所以積行立功建一切灋導迪人心使之遷苦遠罪洋洋乎大同之域其於佐理帝王一也爲老氏者曰吾寶慈儉又曰常善救物與夫孔聖本仁祖義之說若合符契今觀終南山重陽祖師始于業儒其卒成道凡接人初機必先使讀孝經道德經又教之以孝謹純一及其立說多引六經爲證據其在文登寧海萊州嘗率其徒演灋建會者凡五皆所以明正心誠意少思寡欲之理不主一相不居一教也師咸陽人姓王氏名喆字知明重陽其號母孕二十四月而生美鬚髯目長於口形質魁偉任氣而好俠少讀書係學籍又隸名武選當天眷之初以財雄鄉里歲且饑人多俘亡有盜盡劫其資以去一日適因物色得盜終不之問遠近以爲長者正隆己卯間忽遇至人於甘河以師爲可教密付口訣

又飲以神水自是盡斷諸緣同塵萬有伴狂垢汗人益叵測慮夫
大音不入俚耳至言不契衆心故多爲玩世辭語使人喜聞而易
入其變怪談詭千態萬狀不可窮詰嗚呼箕子狂九疇叙接輿狂
鳳歌出權智倒橫直豎均於扶世立教良有以也師後於南時村
掘地爲隧封高數尺榜曰活死人墓又於四隅各植海棠一株曰
吾將來使四海教風爲一家耳居三年復自實之遂遷於劉蔣與
和李二真人爲友各結茅居之至大定丁亥夏復焚其居人爭赴
救師婆婆舞於火邊且作歌以見意詰旦東邁徑達寧海首會馬
鈺於怡老亭馬亦儒流中豪傑者初未易許師故懇師庵居固其
屬鑄率數日不給食縱與食之亦未嘗見水火跡或時夜就馬語
莫知其所由來及去追之不及屬鑄如故間與魂交夢警分梨賜
芋之口不一馬於是始加敬信與其家人孫氏俱執弟子禮又得

譚處端劉處玄丘處機王處一郝大通等七人多類此號馬曰丹陽譚曰長真劉曰長生丘曰長春王曰玉陽郝曰廣寧孫曰清靜散人茲結爲方外眷屬迨己丑季秋留王郝於岷崙山携四子西歸抵汴寓王氏逆旅無幾何呼丹陽付密語無疾而逝春秋五十有八四子歸其柩葬於劉蔣坟庵之側丹陽因廬於墓次今之祖庭是也師先自六年前於長安欒村庵留題云害風害口舊病發壽命不過五十八乃知仙齡有期非偶然也有詩詞千餘篇分爲全真前後集傳於世玉峯老人胡光謹爲之傳及丹陽嗣教從之者益衆其徒遂滿天下丹陽東歸長春因劉蔣坟庵大加營葺玉陽又買額靈虛觀凡住持者始受度爲道士以奉香火世宗皇帝素欽其名嘗遣使訪焉戊申春長春玉陽應命至京師賜以冠巾條服命居大長觀尋又徵至北宮長松島與語大悅語於島西築

官庵居之承安泰和間道陵亦屢召玉陽長春至闕下賜居修真觀以待召問玉陽得號體玄大師自丹陽而下所爲歌詩各有集而郝廣寧獨遂於易備見於太古集中至正大初密國公璫讚云全真道東四子傳化四子謂誰丘劉譚馬德其亞者王郝與孫共成七賢贊我真人玉陽長春大敘其門遭遇聖朝爲王之賓瀛海渺然仙蹤宛存細玩此讚其師資道業槩可見矣僕適承乏翰林與提點嘉祥觀冲虛大師李志源及提點中太一寧冲虛大師于善慶無欲公李志遠爲方外友因索鄙文以紀重陽仙跡僕往年從事鄆亭密邇靈虛宿聞真風故就爲之說使後之學者知師出處之蹟其功用及物若是之大得以考觀而推行焉若其出神入夢擲傘投冠其他勝凌滅沒之事皆其權智非師之口教學者期聞大道無溺於方技可矣是不得以固陋辭天興元年九月初吉

翰林修撰同知制誥嘉議大夫上輕車都尉彭城郡開國伯食邑
七百戶賜紫金魚袋劉祖謙謹記安西王府文學姚燧以至元丙
子中秋日書并題額 陝西四川等路道教提點洞觀普濟圓明
真人高道寬重陽萬壽宮提點悟真了一襲明真人申志信 衍
真復朴純素真人張志悅立石 功德主昭勇大將軍京兆路總
管兼府尹兼諸軍奧魯總管營繕司大使趙炳 營繕司副使王
海 京兆等處採石提舉謝澤 助緣龐德林

姚牧庵燧追書金劉祖謙文文頗蘊藉而書全法平原但波拂
鈎磔稍不及因以知勝國時不乏能書者也

趙氏石墨鐫華

按重陽仙跡記咸陽亦有一碑係至元己丑劉汾追書劉祖謙
文與此碑文同字異較此少遜故不重錄附記於此

餞洞陽西歸詩

至存元 詩錄後

石方一尺三寸十一行行十三字井道泉詩正書在西安碑林

奉餞制授諸路都提點洞陽公西歸故隱希笑擲 終南埜 井

道泉頓首 嶺上雲霞澗下泉玄都子午都壇顯化顯明堂兩因緣

地分涇渭餘三舍面隔參商二十年攜手燕山應偶爾分襟薊水

復茫然他時料得思君處記取秋風夜月天 至元丙子真元日

住持門人焦德潤上石

重修宣聖廟記 存文錄後至元十三年

石高七尺二寸廣三尺三寸三十一行行六十二字徐琰撰文正書在西安文廟

大元國京兆府重修宣聖廟記 前陝口口口口口行尙書省左

右司郎中徐琰撰 古之教者家有塾黨有庠術有序口有學凡

始口口口口學必口口口口奠先聖先師故學必有廟後世以孔子

爲先聖口孟爲先師冉閔而下九人益以曾子爲十哲皆侍坐而

配享焉自餘六十三口子及左邱明公羊高孔安國劉口荀口楊
雄鄭玄王弼之口二十四大儒繪口兩廡春秋二仲月日口口于
祀用王者事自天子京師達於郡邑咸遵此制唐以口莫之或廢
也金季板蕩中原邱墟所在廟學口爲口口大元開創撫有方夏
謂生民不可口日無教孔子一日不可無祀所首口口口口口
口歲口口口口口濟南曆口銀宣聖廟於兗州曲阜之闕里其他
口口口廢之議未遑及之然修之與否各在甚口口口口口爲不
爲耳京口舊有宣聖廟辛卯棄城殿宇傾頽總管屯口口持僅存
甲辰歲征南先鋒使夾谷口口口口口國口口口口以修復自任
既葺正殿復起二門工粗畢而力不繼又十餘口平章廉公參口
商口宣撫陝口乃爲構其兩廡繪事未興三公入相迨轉運使口
口口口口口學也率口口口口口爲圖之口歲既久後就者雖新而

先成者已復口口正殿口建規制口口材植撓弱口口口口棟
爲之腐敗口床之漏適口口口口學之師生蹙額仰視無以指
口口授口庭騰書有司走謁當路遑遑焉汲口口若不能一朝居
口口口陝西四川行尙書省平章賽公屬有疆場之事口口口
口口口口口口口口口口口口下徘徊顧瞻已而嘆曰今夫爲
教於世口口而口夫子是其口口口口者何其崇敬之甚也且以
口口口口口口口口口口碧口口口口口介乎民口口口口口
區口猶不減二三一縣凡幾鄉一州凡口口一府凡幾州合而口
之則不可勝口口口口獨口口口口口口口者口是秦口口口
口口爲風俗口口口口口口一口方之二家不爲過分而狼籍若
此口口之德襲人之教口於其門者口口愧於口口口口口口
葺之口口口口口聊口口口口口爲諸公倡口口口口口口暨在口

口口莫不欣然讚歎咸願出口而助口口平章賽公之口口許以
樂材別口餘口糯口口口石口口通計口口所鳩之貲總爲口口
口口口口新易舊以崇口庫口口藏事綽綽然有口裕矣命口
口口口判寇君元口董其役經始於至元七年之冬口口於口
口之夏口大成殿爲七楹高其口口口口口口乃命工更口先聖
先師口口口口十口之像口口口口口口尤甚口從改作石臺
孝經唐明皇之御書也口口起口口口口石刻九經開成間之口
口也口口口口口口之又作二堂於大門口內東口先正七賢之
祠西口口口口口口之口祭口有章烹飪有厨口其壇槐某市繚口
口口口口口楔丹雘之華塗聖之餘口所口口口口皆嚴公之指
授而綱維口口口是修飾之潤色之判口口口口功爲多爰擇吉
日舍菜告成諸生濟濟駿奔在廟口口口明法庭宏敞周廡深口

重門洞徹□□□□笙鏞間□□□旋登降揖讓三獻而退邑
里之民□□識古則□□□愉愉□□有感□□□之意既□事
□□先生招諸生□館□□之□□□□□□□斯廟之□
□□非直爲觀美也蓋以懿德之在人非□□□□□倫之在
人非學無以明之□秀俊造之□□在人非學無以辨□之□民
則有□□□□□□廟以□牆□□思學以囿漸摩之□其所由
來尙矣秦中自□□□王所都首善之制歷代相承人材之□□□
淵藪風聲氣習薰醲涵浸視他道爲獨異□□□□樂辟雍有
周之典也繼之以霸霸王多吉士惟君子□媚□天子開設學使
旁求儒雅以闡大猷西漢之規也□之□□□□人文武並興名
臣輩出增□□□□二百□鼓篋升筵八千餘士大唐之則也卒
之以積學成功□談辯治□有其人光乎信史曰宋曰金遶跡於

泮宮登名於天府口傳記所載口不讓乎鄒口口口口口口口
口今聖天子孜孜求治網羅賢俊郡國文學妙齡秀發之士朝取
一人焉拔其尤暮取一人焉拔口口口口口口臺閣口口口口遍自關以
東無郡無之獨吾京兆口有一人口詔者非天降材爾殊是亦教
誨涵養敦勸之不至也行臺諸相增崇廟學其意以此竊口口口
口口口儒口國家寬恤之典世世口其口無繭絲之供無口踐之
徭飽食口口口其口書業稍精行稍口官口口之口口口謂儒口
道最高口始口爲不妄何憚而不口口口廟之不葺有官君子
口其責而塞之矣學之不講口與口曹之事也諸君幸努力焉東
平徐琰在口口口口口請記於石以爲重修口記先生曰諾於是
乎書至元十三年九月日昭勇大將軍京兆路口口兼府尹
諸軍奧口總領營繕口司大使趙炳上石

按此碑漫漶已甚中間一段幾成沒字碑不能句讀姑就可識者錄之

儒生頌德碑

存元至十四年後

碑高九尺一寸廣四尺二寸二分二十五行行五十二字孟文昌撰文僕散祖英正書駱天驤篆額在西安文廟

陝西學校儒生頌德之碑

并序

王府典書京兆路儒學教授孟

文昌撰

前司大臺判府學學正駱天驤篆額

嘉議大夫前隴

右河西道提刑按察使僕散祖英書

夫武以禁暴文以致治文

武相須恃爲長久斯百王不易之道有國家者蓋不可闕而偏廢

也大元應天革命開創基業神兵一耀萬邦景附日月所照戒惟

人口無思不服威武之彊提封之廣徵諸往古蔑以加焉太祖太

宗恢廓規模未遑之事然猶設科取士給復其家中優選者並蒙

寵擢澤延于世幾五十年聖恩可謂博矣皇上龍飛踐祚作新斯

民永思爲治之要首崇儒雅網羅耆舊咸登之朝收攬豪雋位以
不次興禮樂定制度昭文物紀聲明樞機品式燦然具備至元十
載皇子安西王胙土關中秦蜀夏隴悉歸控御宸眷西顧實爲藩
輔稽古建官一新庶政發號施令恒以愛養基本爲務蠲賦稅之
常調以恤群生省徭役之重困以息衆力平獄寬刑去瑕蕩穢弛
山澤之禁罷關市之征無非便利之道間者有司以舊制儒其戶
者止當復身賢王慮文風不振特頒教令凡士之居境內皆隸儒
籍乃全復其家敕所在毋擾敦勸學者以風四方士當斯時歡若
更生何其幸歟館之諸生相與言曰竊聞昔漢河間王修學好古
招致道術奏獻雅樂東平王樂於爲善不惜金帛購求遺書名垂
簡冊至今稱之我賢王敬老尙德本于天性命相舉賢月給廩秩
獎拔後進開文學府遣左右旁求經籍增飾泮宮廣設黌宇隆恩